

Monday, March 3, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT
REGIONAL NEWS BULLETIN



CM : E-OFFICE

Chief Minister Pu Lalduhoma'n tunlai thiamna hmanga office hnathawh theih a tam zel avangin office-a mihring hnathawh tur mamawhna a tlem zel thu a sawi.

He thu hi vawiina Assembly thutkhawma zawhna leh chhanna hunah sawiin, Chief Minister chuan tunlai thiamna lama hmasawna turin sawrkarin E-Office chu a kalpui chho mek a ti a, hmun tinah hmasawna a awm zel tih sawiin sawrkar hnathawh indaihlohna pawh a sutkian beisei a ni a ti a, post ruak hnawhkhah loh tam tak leh hnathawh tur mamawhna sang pawh E-Office kalpui chhoh zel anih avangin mamawh zualpui bak an ti rih dawnlo a ti a, mihring thawh tur mamawhna tlem mahse hmasawna hnathawh a chak phah sauh dawn tih a sawi bawh.

Chief Minister chuan Mizoram Law & Judicial Department-chu Directorate hran siam emaw branch pahniha then darh, bifurcate tumna emaw a awm lo tih a sawi a, Hnahthial District-ah Law & Judicial Department hawng turin hmalak mek a nih thu a sawi bawh a ni.



CM – PROXY EMPLOYEES

Chief Minister Pu Lalduhoma'n Mizoram sawrkar hnathawh tun thlenga aikal la an la awm anih chuan inhriatthiamna a awm tawh dawnlo a ti a, man chhuah an nih chuan anmahni leh a thawhna officer chungah hremna lek kawh a ni dawn tih a sawi.

He thu hi vawiina Assembly thutkhawma zawhna leh chhanna hunah sawiin, Chief Minister chuan tun dinhmunah sawrkar hnathawh aikal la an awm hriat ani lo a ti a, sorkar hnathawh natna khirh avanga damlo tan aikal lak chungchangah inhriatthiamna a awm lo tih sawiin, sorkar hnathawhkte zingah eng vang pawha hnathawh chhunzawm thei lo an awm a nih chuan in ban tawp lova rilru nuam taka an chawlh theih nan Mizoram sorkarin a din, department hrang hranga service review committee te chuan special voluntary scheme an buatsaih sak tih a sawi a, he scheme hnuaiah hian hnathawh thei lo chu an chawlh mai a tul tih sawiin sorkar chak tak nei turin sorkar hnathawh quality siamthat a tul tih a sawi bawh.

Chief Minister chuan sorkar hnathawk aikal la tana insiamremna hun, grace period an pek hnuah aikal chhawr lui an man chhuak a nih chuan action an la dawn a ti a, Insiamremna hun an pek zah lova aikal chhawr lui an hriatte chu sorkar hnenah thlen zel turin mipuite a chah bawk a ni.



CM – MIZORAM HOUSE

Chief Minister Pu Lalduhoma’n Maharashtra khawpui Mumbai-ah Mizoram sorkar sum seng lova Mizoram House sa turin hmalak mek a nih thu a sawi.

He thu hi vawiina Assembly thutkhawma zawhna leh chhanna hunah sawiin, Chief Minister chuan ram chhung khawpui hrang hrang Guwahati, Bangalore, Mumbai leh Churachandpur-ah Mizoram House mamawhna sang hle mahse Mizoram sorkar chuan a sakna tur sum a la nei rih lo tih House a hrilh a, hetihruah hian tun hma atanga Maharashtra khawpui Mumbai-a Mizoram sorkarin ram a neihah Mizoram House sakna tura inremna a lo siampui tawh, tun thlenga sak la ni chuang lo chu a contractor ban an tum a, Mizoram sorkar sum seng lova a sak theih dan turin indawrna neih mek a ni a, a taka an kalpui theih leh theih loh dan tur chu an la hre lo tih a sawi bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.



HOME MINISTER

Home Minister Pu K. Sapdanga’n Halpuah hal vangin mi 68 man an nih thu House a hrilh.

He thu hi vawiina Assembly thutkhawma zawhna leh chhanna hunah sawiin, Home Minister chuan Halpuah hal avangin mi 68 man an ni a ti a, thubuai 55 ziahluh niin, mi 63 lakah thubuai siamsak a ni tih sawiin heng mite hrem dan tur chu court lam thuneihna a ni tawh tih a sawi.

Home Minister chuan Mizoram Police Act 2011 hnuaiah Rules nei turin Draft rules buatsaih mek a ni a ti a, Mizoram Police Act 2011 hnuaiah Rules an la nei tih sawiin Draft Rules buatsaih mek a nih thu House a hrilh a, tuna Police constable lak turah eligibilty anga kal an tum, infiamna thei bik te tan quota 5% a awm tih sawiin Mizoram-a outpost leh police station zawng zawng thuam that tuma hmalak mek a nih thu a sawi bawk.

